

www.BibleForChildren.org


Mateusi 8



Ajaire Karireja yvy pè Jesu ovãema orereve,
wemimo'ekwerà kō reve. ãmẽ mōrijõ ke paire, ava mō
omenatà Kana taa pè. A'e kyty Jesu oo, orereve.
Ijy ve oo.



Ojimoaty ojimiwa kupa remē, uvary aisiriri mā'ē opa sikaepo ky'y. Noyi mōropārà kō rè. Jesu y okuwapa a'evo remē. Ajawyi e'i Jesu pè: – Opa uvary aisiriri mā'ē ky'y, e'i tite ijupe. Aepo e'i epe Jesu remē, ijy e'i jē ja'umā'ē jarà remīgwai kō pè: – Peenu katu ikō ememyry ayvu nē rōnō, e'i. “Hoō” e'i āmē kupa.




Ãmẽ Jesu e'i a'e kã pè: – Pemoãnẽ ãnẽ
warypy kã yy pupe erokwa, e'i. – Hoõ.
A'evotà oroereko, e'i kupa. Uve 6 rãmõ
warypy wasu kã a'e tetã wryy pè. Takuru
jinõgwerà tè warypy kã ajamã'ẽ. Yy rena
kã tè a'e kã.



A'e yy rena mō peĩ remē 80 rituru rōmō.
Ma'e remē 100 rituru rōmō tesō. A'e yy
ojauka rōmō oporu kupa ipi. Āmō, wekoa
rupi a'e yy ve oporu kupa ipi, Juteu kō
rōmō. A'e warypy kō pupe ja'umā'ē jarā
remīgwai kō omoānē ānē yy
āmē, Jesu ayvu rupi.



– Awyjepa, e'i ajaire Jesu pè kupa. – Hoõ.
Eavoi yy pẽ eraa ja'umã'ẽ jarà pè ime'ẽ,
toã'ã rãĩ esa, e'i Jesu ijupe kõ. “Hoõ” e'i
kupa. Weraa ãmẽ kupa.



Weraa kupa remẽ, soõ, uvary aisiriri mã'ẽ rõmõ
sikaepo ojinõma yy warypy pupe, Jesu kasia rupi.

A'e ja'umã'ẽ jarà wã'ã esa
remẽ, kee e'i: – Haa! Aã

ywesõ ikatuay wete
ji'iwara wyi! e'i. Nokuwai

Jesu tè oinõ uvary
aisiriri mã'ẽ rõmõ.

Yy omoãnẽ ãnẽ
warypy kõ pupe

mãe kõ kõrijõ

tè okuwa.



Ajawyi ja'umã'ẽ jarà wã'ã esa remẽ, omuu rã'ĩ imẽtarà okoty. E'i ja'umã'ẽ jarà ijupe: – Manyvore põ ji'i aã ypy neremosãi?

Ikatuay aã ky'y, e'i ijupe.



A'evo Jesu omojisaoka ypy okasia, Kana taa pè ekoi remẽ, Karireja yvy pè ekoi remẽ.



A'evo ojikuwa ypy
Janejare'e Ra'yry rõmõ.
“Aje” oro'e ijupe
emimo'ekwerà kõ rõmõ,
a'evoa rè oromã'ẽ remẽ.



Aja paire Jesu oo Peturu rupi etã
gyty oike. A'e pè Peturu tija ikaray
sikaepo upa. Okea pè o'au upa.




Ãmẽ Jesu omã'ẽ ee remẽ, opopyy. Ameve py'awarà
mõ ikaray okwapa iwyi. Opoera katu opõ'ã ky'y.
Ajaire Jesu rè oja'a. [Emi'õ rã rè oposiko upa.]



Ajaire pātōma remē, a'e taa wānà kō weru eru
itekorā mǎe kō Jesu pè tomokatu kō. Ājāgai kō
ojimoemija ee mǎe kō
ve weru eru kupa.
Pirujē weru eru kupa.
Ojimoaty tesō Simão
retā rova pè kupa.



Ãmẽ Jesu omokatu kã, ijãvijõ kã jẽ. Iteetejẽ itekorã
mãe kã omokatu Jesu. Ãjãgai ojimoemija ee mãe kã
omokatu teve. A'evo remẽ Jesu nomomoregetaokari
ãjãgai kã imono, a'e kã okuwa Janejare'e Ra'yry tẽ
Jesu rewarã mõ.



A'evo mǎe kō ojipomomojai Jesu rē ojipy okwa remē,
tomokatu kō. Pirujē a'evo mǎe kō omokatu okasia rupi
āmē.



A'evo ekoi remē kwaima'e kō mō ovāe, irōte rōmō.
A'e kō ojimorypa mō omovy eru, Jesu tomokatu.
Noatai mā'ē a'e, etāmā nomārākuwai mā'ē.



Weru ipe Jesu kyty kupa. Ajamã'ẽ
aty wasu kõ rewarà mõ mã rupi
noeroike'ãi Jesu pyri'ĩje'ẽ
eraa kupa. Ajawyi okape
'aryvo werojiupi kupa.



Okape 'arà omogwa kupa, Jesu
'aryvo katu. A'e kwarà rupi katu
omowyjy imuu kupa. Ikea
pupeve omowyjy imuu
kupa, Jesu rovakeve.




Ãmẽ Jesu a'evoa r`ẽ omã'ẽ remẽ e'i oupe: – Haa! Aã
kõ “aje” e'i eayvukasia p`ẽ
mãe kõ t`ẽ! e'i. Ajaire
etãmã nomãrãkuwai mã'ẽ
p`ẽ kee e'i:

– Ejimokasi ikenẽ,
era'yry, e'i.

Neaiwerer`ã
aitypypyipaoka
newyi ky'y, e'i
ijupe. – Epõ'ã ikõ
nekea rerojivy eraa
neretã gyty nẽ, a'e
ene, e'i ijupe.



Ãmẽ ajaire Jesu opo yarà pupe. Emimo'earà kô ve
opo ipupe, Jesu pyri. Pãranã ovae
kyty ootà kupa. Ãmẽ pãranã
mytery pè oo iko kupa remẽ,
py'awarà mõ ijyvytu ai
jirojivy jivy tesõ.



Ajawi yy opipo pipo tesõ teve. ãmẽ yy ojeẽ jeẽ
tesõ yarà pupe ky'y. Ajawi
ojipypy taray yarà ky'y. A'evo
remẽ Jesu oke upa.




Aepo e'i kupa remeve, Jesu omã'ẽ javo ijupe kõi.


– Pekiye sõi! e'i. “Aje” napejẽive sipõ eayvukasia pè?

e'i. Aepo e'i paire opõ'ã. Oporegeta kasi yvytu ai pè,
pãranã pè teve. – Epi! e'i. Ameve py'awarà

mõi opi yvytu ai ijayvu rupi. Yy
nopipoi teve ky'y.




Omoãgyo kō tesō a'evoa rè emimo'earà kō omã'ẽ
remẽ. Ajawyi e'i ojiupe kupa: – Haa! Ava sipō awi
janerōvijã, ãwĩvo tesō tijayvukasiay wete? e'i kupa.
Emã'ẽ! “Epi” e'i yvytu ai pè remeve, opi!
Yy a'evo ve. Omomi ve yy kasia,
e'i kupa. [Ãwitō janeremĩgwai
mō janererovija,
“teene” eu ijupe remẽ,
ãwĩvo yvytu ai
janerōvijã pè, e'i kupa.]



– Janejare'e pirujẽ jane kõi wauvay wete.
Ajawyi ije, Wa'yry pe'ĩgwerà wyjaveay
mã'ẽ rõmõ emuroka ike yvy pè. Ava
mõ ojirovija katu ere wereko
katuarà rõmõ remẽ,
naemavo'ãi ity aa.
Areko karuarutà
epyri.



40



60



Romã 3:23

Kee rewarà mō a'evo janerereko.
Jajimojaiwepa pirujẽ jaiko ipi. Nivoi 'ete jaiko ipi.
Ajawyi kuipe'e tẽ Janejare'e katuaya wyi jaiko.

Romã 6:23

Aje, jamãnõ 'atà tẽ janeaiwererà repykarà mō mijã. Ajamã'ẽ
Janejare'e janerereko katu takatu, ãwisõ awyje jẽ ipyri
tijaiko karuaru ky'y. Janerõvijã Kiristu Jesu revejẽ
jaiko mãe kō rōmõ tẽ a'evo janerereko ky'y.

Eperou 9:27

Jane ve peŕate tijakãjã ipi. Awyje jẽ jakãjã jaa ipi.
Jakãjã maire, Janejare'e janemoe'yità.



Epesu 2:8,9

Manyvo nijareko kuwa'ãi janevoto jajireko katu rōmō. Janejare'e tē okatuaya rupi janerereko katu, Jesu Kiristu rē jajirovija jaiko remē. Janejare'e remime'ēgwerà tē janerereko katua, āwisō kee taoty e'ā: “Ivo katu aiko rewarà mō tē erereko katu”, taoty e'ā.

Romā 10:9,10

Jesu omānō maire, Janejare'e omomoera mijē imopō'ā mānōa wyi. A'evoa pē “aje ywete” pejē remē, tapemojenu jenu āmō kō pē erokwa. Kee jaa tapejē: “Jesu Janerōvijā ywete rōmō tē ekoi ky'y”, tapejē imojenu erokwa. “Aje” pejē ijupe remē, peporijauesatà āmē Janejare'e ky'y. Kee rewarà mō. Janejare'e rē jajirovija janepy'a pē remē, janeporijauesa janerereko katu ipi. “Ivo katu mā'ē tē ene” e'i jane, “Erōvijā ywete Jesu” ja'e ijupe ipi remē.



Juwão 3:16,17 – Janejare'e pirujẽ jane kõi wauway wete. Ajawyi ije, Wa'yry peĩgwerà wyjaveay mãẽ rõmõ emuroka ike yvy pè. Ava mõi ojirovija katu ere wereko katuarà rõmõ remẽ, naemavo'ãi ity aa. Areko karuarutà epyri. Kee e'i Papa eupe emuu: “Ekwa yvy kyty poroereko katuarà rõmõ”, e'i. “Ijaiwererà kõi eityypyipaoka iwyi kõi. Erojivy kõi mijẽ tojimory mijẽ ere kupa ky'y”, e'i ije. Kee ne'i Papa ije: “Ekwa yvy kyty jane kõi momorijauoka ijaiwererà kõi repykarà mõi”, ne'i ije. Kee e'i tè ije: “Ekwa terereko katu kõi”, e'i tè ije
Wa'yry rõmõ emuroka.

1 Juwão 5:11-13 Kee jaa Janejare'e omojikuwaoka janeupe. Ta'yry rè jajirovija remẽ tè kuwa tekoua pyau ome'ẽ janeupe mãerã upi tijaiko. Janejare'e Ra'yry rè jajirovija remẽ tè mãerã tè eeve jaikotà jaiko. Nojirovijai ee mãe kõi ãmẽ noiko'ãi ipyri. A'evoa akusiwa pejẽ, Janejare'e Ra'yry rè pejirovija mãe kõi rõmõ. Akusiwa pemokasia pè ajupa, tapekuwa Janejare'e pyryvo peiko karuarutà.



Mateusi 8-9; Maku 1-2, 4; Rukasi 4, 8; Juwão 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Wayampi NT (oym) © 2013, Wycliffe Bible Translators, Inc.
All rights reserved.

<https://www.bible.com/bible/1352/MAT.1.OYMNT>

©2026 Bible for Children, Inc.

www.M1914.org

www.bibleforchildren.org

